



明詩正聲卷二十五 五言律詩六

廣陵

盧純學

吳

江一夔校閱



黟縣道中

尹耕

嶺峻橋橫度泉懸水逆流映空峰影亂觸石浪花浮歲月悲行役衣冠憶舊遊望鄉雙淚眼休上最高樓

舟行

程瑤

路遠雙厓轉舟從百丈牽禾光圍四野樹色隱

長川海店魚爭市田家犬吠舩停橈一以望惆
悵夕陽天

暮出山峽

張謙

舟行殊未已日夕泝潺湲遠樹帶秋色斷烟橫
暮山漁人隨處宿遊子幾時還仰羨雲間鳥高
飛不可攀

邯鄲

王維禎

行歷邯鄲縣叢臺高柳疎春風罷歌舞落日照
丘墟民物千秋改城池百戰餘黃童與白叟誰

識趙王居

東林寺

薛應旂

空門清晝永高卧掩柴荆萬壑烟霞色千秋風
雨聲白雲溪澗合青草石臺平獨上文殊座幽
懷憶講經

宿趙家園

孤舟憐野泊霜月一村明燈火還家夢星辰戀
闕情飛鳥投暝色吠犬逐灘聲寂寞無相語寒
蘆風漸生

同孟孔彰秋日偶然作

陳羽

久緣朱紱累夢斷白鷗群幾對宛城月遙憐鍾
阜雲開簾看秋色散帙坐斜曛絡緯催寒急淒
淒不可聞

除夕有感

全元立

雪燭明殘夜燕城度歲華半生常作客今夕倍
思家撫劔驚蒼髮開尊倚暮笳那堪正愁寂窓
外報梅花

送蔡白石移官南都

駱文盛

石城時擁騎沙浦暫維舟梅柳迎新蓋江山識
舊遊烟花歌舞地龍虎帝王州自有飄蕭興
何須羨海鷗

郊居

紅葉江村路高秋病客居雨荒門外草蟲蠹篋
中書海鳥來還去巖雲卷復舒息機吾豈敢身
已混樵漁

贈陸參戎席上彈琴

包節

愛爾朱絃賞端居幾度過塞寒飛雪早簷靜落

明言正聲 卷之三十五
梅多舞鶴流清夜離鴻拂絳河不禁羈楚意吾
已托烟蘿

飲江橫溪宅晚歸

崔槐

一到故人宅寒梅幾樹花江淮無戰伐原野有
桑麻銀鱸翻青鯽金尊泛紫霞沿溪歸棹晚霜
月映蕪葭

廣陵送二姪北上時予東歸

爾向燕中去余從海上歸風塵雙劍遠衰白寸
心違宮闕仙雲迥家園野蕨肥却憐天北字寧

憶菱荷衣

呂梁晚眺

王樅

挂席青霄外停杯碧樹秋波聲迴亂石山色入
孤舟雲共鳧鷗沒天連日月流風烟愁極目直
北是神州

明妃曲

妾命如秋葉君恩似谷風生來不相值寧復計
西東有分投胡虜無因謝畫工以身安徽塞猶
勝作飄蓬

舟中書事

喬世寧

春草看仍發孤舟尚未歸
宦情雙鬢改客思片
雲飛峽樹啼猿合巴江過
鴈稀遙天今夜月那
忍對澄輝

春日同諸寮城南登高

白雲望不盡况復臨高臺
春色滿天地客愁何
處來他鄉逢此日萬事且
銜盃有酒不同醉山
花空自開

梅花落

坐待梅花盡征人獨未歸
曉粧臨鏡懶春信到
邊稀斷縷驚龍管餘香入
鳳幃持將花比貌空
有淚征衣

紫騮馬

騮馬繫朱纓煌煌赤電生
千金逢一顧萬里為
君行落日城南戰悲風塞
下鳴只愁流血盡不
罷漢家兵

聞笛

何處吹羌笛龍吟入夜哀
乍驚雲外落應向月

中來楊柳春先報關山客未迴更愁三弄罷飛
盡漢宮梅

關山月

關山流漢月揚彩射金徽胡馬中宵動天街七
暈圍將軍橫塞角少婦搗邊衣為有刀頭望長
看破鏡飛

雨夜舟中

江村秋雨夜落葉滿楓林留滯孤舟客蕭條歲
暮吟檣陰還自照雲氣坐來深忽憶滄洲趣令

人動遠心

長干曲

妾住長干里別郎芳杜洲詎知蓬一斷却似水
東流楊柳空相憶梅花且寄愁莫逢蓮女棹留
滯越溪頭

登觀音寺

馮惟健

天削孤峰峻醫閭最上頭窮巖藏古寺懸石結
危樓雪瀑千林潤松門六月秋夜來卧禪榻天
漢掌中流

明詩正卷之二十五
贈郭似菴開府時謫居靖虜 馮惟訥
高張無緩調亮節耿難同雲漢一摧翻天涯遂
轉蓬荒城胡壘外候火戍樓中四海今多事何
時起令公

過顧氏莊

朱曰藩

古木帶連岡尚書舊草堂霜春田稻白酒壓蟹
胥黃劔履竟應返樵蘇業就荒西州他日路掩
泣度殘陽

將入雲中作

只尺分胡地崎嶇出漢關敢云杖馬箠聊得視
刀環蘆卷邊聲苦楓經戰血殷今宵看太白一
上紇干山

園居

莫如忠

結廬何必遠屋後亦桑麻瀑水分林注叢篁引
徑斜帶經耕綠野留客釀黃花日入荆扉偃何
如五柳家

哀商中丞少峰和徐龍灣韻二首

楊繼盛

明言上卷之三十一
憂時分外閫何事困西臺君為河山死誰悲梁
木摧戴盆難見日乘驛幾憐才魂去心猶壯姦
諛骨已灰

燕囚終不釋梁獄竟難逃功業半塵土秋風一
羽毛雲連冠老竹星暗呂虔刀不盡瀟湘水年
年泣楚騷

童子鳴還太末葬母

姚咨

愁看衣上線濕處是啼痕未卜青山宅空懷白
日恩三年牽遠夢此日返孤魂獨有臯魚恨逢

人未忍言

甘露寺

龔秉德

逶迤盤石磴瀟灑度珠林草帶南朝色雲橫北
固陰波光縈戶濕樹影落巖深清磬泠泠發方
窺靜者心

曉發龍潭道中

霓旌蕩烟靄星駕轉岩堯水落龍潭淺山連雉
堞遙林深猶辨月江冷不聞潮漸覺鍾陵近淒
涼憶六朝

過永興寺曇上人山院

寺迥晝沉沉雲門歛夕陰迷方醒客夢定水淨
煩襟苔澗尋靈草松堂譯梵音坐深人境寂銷
盡市朝心

江心寺

諸天聯海藏孤嶼峙江濱鶴立松門月僧歸水
上雲觀空雙樹掩談偈一燈分豈獨耽禪寂因
之遠世氛

送虞經歷往潮州

蔣孝

幕官初拜郡三月下南中曉漲潞河雨春寒榆
莢風山窮粵嶺外天落海門東為問虞卿去何
年上國風

經王朝雲墓

顧起經

名姬埋玉處何異巫山宮塚沒青蓮界碑殘黛
蘚中影沉歌扇月香散舞衣風不遇山僧語那
知色是空

南歸

顧起綸

三年羈逆旅千里復何依不惜黃金盡空留寶

明言正聲 卷之二十五
九
劍歸山中茅屋敝都下薦書稀歲晏蕭條甚悠然獨掩扉

秋懷

下榻北窓下空齋涼氣侵夜烏驚客卧霜月照
鄉心萬井喧殘柝千家響亂砧西風林外起落
葉到門深

贈王平陽侍御謫官

皇甫湜

始悟言為罪俱憐竄是恩漢廷新涕淚楚國舊
招魂兵火殘城邑風濤接海門平生擊楫意知

汝欲飛翻

吊唐荆川

矢心懷北闕扶病起東山迢遞胡關外驅馳戎
馬間龍韜聊自試鶴馭竟無還落盡淮南桂悲
來可重攀

宿省憶李于鱗

皇甫湜

歲暮悲郎署霜寒庭樹銷天涯明月近海岳片
雲遙坐惜圖書夜長懷鴻鴈朝旅魂能幾許別
夢苦相招

軒下書懷簡李于鱗

匹馬歸郎署清風掩客居城霞初霽徹庭雪暮
寒餘才薄羞霑祿官慵苦對書因之念朋侶衰
颯日應踈

奉荅于鱗冬夜念及之作

不堪逢盛世翻欲恨浮名白髮驚時變新詩羨
爾成燈前殘月上雪後早春生兄弟凋零日何
能說宦情

贈聊城陳醫

茅坤

齊南賣藥肆問姓即韓康海上仙人草壺中玉
女漿身常跨白鹿手自註青囊吾亦折肱客從
君乞異方

王揮使子明把摠鎮江

曹大同

鉄甕疑連漢牙旗總插雲樓船橫海出斧鉞自
天分陣氣三軍肅威名列島聞金焦看新勒千
古淨妖氛

還家雜詠

呂時

放舟江北渡暮雨又霏霏萬里兩京道十年三

度歸青山迎棹出白鳥近帆飛烟浦蘼蕪合昏
黃失舊扉

邵伯值舍弟陪臣

井邑遭兵燹移家近馬湖黃巾餘黨在白髮故
人無親老仍多病田荒不及租他鄉今夜月相
對話窮途

留別謝少府子魯

木落見中州遙連白帝愁黃河臨斷岸明月上
孤舟作客已多歲還家又暮秋思君西下日寒

葉滿江流

到家苦雨寄城中諸友

歲晏兼貧病歸心詎可論寒潮水下咽饑雀雨
中翻野迳蒼苔合山牕白晝昏還家已十日愁
絕舊柴門

寄題山寺

劉鳳

澗道掛深松霜流萬壑鐘鳥來分樹色鹿下破
苔封寄衲雲門寺懸燈天柱峰何年高足去受
記付潭龍

城南晚望

落景照青樽餘花點暮村川原催白日秋草又
黃昏星欲搖江郭潮應到海門此時盧子諒能
不恨劉琨

送李伯承宰新喻

李春芳

客裡嗟岑寂憐君興不孤一帆悲道路百里問
樵蘇長白山經魯清淮水入吳飛鳧何日至尊
酒重踟躕

圓硯效徐庾體

李攀龍

片石分雲出良工向月刪自疑臨壁水誰為縮
壺山洗墨沉金鏡呵冰斷玉環畫眉京兆婦纖
指曲池間

送許殿卿

嗟君復失意吾道轉堪疑白雪論先達青雲合
後時落花寒食過載酒故山期莫以楊朱淚春
風灑路岐

送張比部募兵秦晉諸郡

天威嚴滅虜使者出秋官白羽徵兵入黃金結

士懽風雲千騎動
雨雪二陵寒
無易行間客
誰登漢將壇

送沈郎中守順慶

見說褰帷處
千山擁使君
嘉陵渡春水
棧道轉秋雲
郡下平蠻檄
家傳喻蜀文
病餘饒卧理
能不憶離羣

春日韋氏園亭同王元美賦

藉草到流水
看花延落暉
客中過寒食
馬上改春衣
移席青山出
開樽白鳥飛
天涯有朋好
能

使宦情微

登黃榆馬陵諸山是太行絕頂處

不盡寒雲外
青峰落照多
秋陰生大鹵
木葉下溱沔
巨壑藏風雨
飛梁挂薜蘿
重關三輔地
躍馬意如何

寄許殿卿

人情原慘淡
世路故蹉跎
意氣彈冠少
風塵按劍多
客居深雨雪
春夢繞漳河
賴有西山色
猶堪載酒過

冬日村居

遙夜憐幽獨南山傷戶庭
泉流霜下白野色海邊青
風亂將殘燒寒踈欲曉星
偶因樵唱起延眺及林垆

送僧之楚

王世貞

西來為傳法南下豈離羣
夜梵神魚響秋空法鴈聞
浮杯洞庭月飛錫衡山雲
若向黃梅去心香一可焚

見德州李師談兵事有感

秋色大荒甚單于吹角時
移營千嶂急轉餉九邊遲
國事俱黃口材官幾白眉
向來歌舞地回首半瘡痍

荅沈山人嘉則

兄弟逢家難倉皇並挂冠
莫言歸計早猶作畏途看
蘿薜褰愁入松杉掩淚殘
唯應獄中劒虹色為君看

過于肅愍公墓歲復為己巳大功之日距
今兩甲子矣

正統逢今歲胡塵日暫蒙乾坤三已已社稷一
于公不作青衣辱依然黃屋崇初連賜塚地石
馬汗秋風

寒食

故人日以故新冢歲云新自惜無涯智翻隨有
限身落花寒食節芳草舊園春任是風光好那
無淚滿巾

聞補楚憲之命

當年成小草此日動菰蘆顛倒尋章服次且散
酒徒廢家方悔俠移谷舊甘愚一出一回老還
堪覽鏡無

荅徐子與請作宗子相祠碑

烏石山頭色能如峴首無風流一代盡雪涕萬
行俱桐邑恩偏遠中郎思欲枯故人兼故吏忍
使寸心孤

寄李于鱗三首

遠樹太行壯亂流漳水深風雲來染翰河嶽映
披襟鞭弭中原約車書異代心並驅吾豈敢或

可效知音

春色邢臺上獨吟千古愁鼓行人自失磬折爾
何求官恐詩名奪才寧吏術收西來書一紙吾
病欲全瘳

春郊望不盡飛動意難禁地轉漳流闊山連薊
日深安危吾長物貧賤爾初心薄俗寧無畏高
齋且細吟

于鱗郡齋

握手未能畢寒芻香滿樽白雲供使者秋色向
何門一咲中原遇新詩異代論長安故人地車
馬自言尊

其二

春花杜陵陌忼慨各沾襟不謂人間地重扶海
內心題詩揮白日把酒笑黃金欲緩征車路關
門斗氣沉

挽梁公實

當年太阿劍拂拭有光輝出獄果何意延津還
一飛星辰元不沒河嶽自相依吾復憐雷令人

今識者稀

荅吳明卿

敢倚金緋在蹉跎誤此身時危輸小吏氣盡傷
時人自古文章事尤深放逐臣扁舟五老下隨
意破沉淪

荅寄李于鱗

何限乾坤事歸來汝自酬振衣滄海月搖筆岱
雲秋一字堪金石孤城各斗牛報書知健在不
必淚潛流

長興訪徐子與

相逢盡一醉惜別戀餘歡布帽憐秋色綈袍入
夜寒酒令人自遠詩任俗相看拙宦吾曹事無
歌行路難

祀陵

徐中行

風雨從西極河山自北辰林喧萬馬夕花暗七
陵春慘淡弓刀泣趨陪劒履新文園即此地誰
復漢詞臣

卧病簡李于鱗吳明卿

交遊歸欲盡滄海意仍違豈羨鱸魚膾長懷薜
荔衣人應嗤宦拙我已貴知希起看西山雪悠
然憶翠微

簡宗子相

故國同千里新愁摠二毛豈緣微祿累應為太
玄勞雲月清瑤瑟風塵暗寶刀知君有起色堪
賦廣陵濤

荅吳明卿

燕市驚重見悲歌白日陰乾坤名轉大烽火病
逾深萬事猶存舌千秋未折心豈應吾黨外別
自有知音

燕山除夕

舊游曾此地除夕况堪悲生死天難問文章老
自知中原纔一遇吾道竟群疑正有山陽感誰
教玉笛吹

秋日二首

迢遞懷親舍棲遲念此身百年當自得孤憤竟
誰陳白首存知己黃金閱世人扁舟定早晚湖

上一垂綸

風霜物候改歲月客心驚高卧常多病深藏轉
畏名滄洲連夕夢白髮逼秋生歸計仍踈闊偏
傷留滯情

吳給事謫豫章

淮陽漢揖客澤畔楚詞臣霄漢寧容汝江湖且
寄身寒濤千里雪落日九江春試掃匡廬石青
天賦隱淪

罷郡後作

鷹隼翻鞬日魚龍脫網時人應嗟放逐我自戴
恩私萬事莊生夢千秋楚客辭倘能齊物理翻
怪罷官遲

故人俱蹈海孤客竟歸田碩果久知盡寒灰寧
復然掩關天目雨把釣五湖煙慎惜雙龍劍休
教犯斗邊

入桐江

奔流千折下峭壁兩崖分樵徑衝江雨漁舟宿
嶺雲布帆林杪見水碓月中聞獨有披裘客千

秋不可羣

過顧汝和所逢黎惟敬不至得寒字

朝市幾人在風塵一晤難郢歌逢客少燕月到
春寒露氣高金掌花陰轉玉盤不知清漏盡猶
向碧霄看

山居得明卿再謫報

去國猶三黜懷沙更九歌賜環知尔在按劍柰
人何朋舊飄零盡年華涕淚過倘憐愁病者一
為訪烟蘿

明卿守邵武五年不調忽有左遷賦慰

聖主方前席孤臣復左遷疑生不調後妬自入
朝年白雪終歸楚黃金莫問燕山堂舊時榻早
已為君懸

初入滇關

蒼然平楚外云是古滇疆白日開南徼青天豁
大荒河山猶內地花木自殊方吹盡浮雲色雄
風萬里長

汴中值雪

吳國倫

三日夷門雪天寒鴈未歸却驚新旅髮重攬舊
宮衣河水懸如立城雲凍不飛梁園客已散風
景獨依依

初抵家作

故里三秋色明時一逐臣可憐搖落候猶見亂
離身有酒兄欣慰無家婦頗嗔如何歸夢破茲
夕轉傷神

除夕

茲夕那能曙空山亦有春生憎佳節酒不對故
園人淚已攀荆盡愁仍夢草頻更憐蓬髮色明
日為誰新

塞下曲

飲馬長城窟燒生敕勒川羌人吹笛過漢士枕
戈眠戍久安鋒鏑歸遲忘歲年閨中婦已老猶
寄擣衣篇

泊獨流河

萬里南浮客愁心與逝波地將燕趙盡天入鼓
鼙多急榜驚鷗鷺深村掩薜蘿片帆何處落風

雨獨流河

董生祠

萬木廣川村蕭蕭古殿存
高粱蟠海氣殘碣卧雲根
日月黃河逝文章漢代尊
即看荒草色猶似未窺園

至歸德

過宋心初穩游梁賦豈工
一官遷謫老三黜古今同
臺榭臨河曲衣冠近洛中
難將賈生淚重灑漢王宮

與黃給事中

落魄無勞歎惟慚負
聖明小臣宜得罪古道
不成名爾去招梅福予歸
吊屈平舊來鷹隼意敢復
向人鳴

秋日匡山

倚伏誰能側千秋合自盟
大名非我有往事亦人情
月借銜杯色江懸伏枕聲
豈應遷客夢容易到神京

其二

明詩正卷之二十一
閉閣營何事群書枕北窓星辰占戀闕風雨助
哀江應馬心初定雕龍意未降嗟咤問歸計端
愧鹿門龐

荅李于鱗王元美見慰之作

投荒吾自取二子念何深並牘驚人語三年逐
客心星河搖起立風雨暗行吟已似長沙弔慚
非汨水沉

其二

五老忽相失秋風歸去來頗無遷客態猶使故
人哀白雪開詩卷浮雲度酒杯岱宗高不極東
望日徘徊

歸德作

所經席未煖朝野自孤踪多病微官好無能長
吏容夢中誰是蝶塵外客猶龍二子如堪作吾
將曳履從

春懷

物意自難合故人殊可憐望風疑赤幟掩耳問
朱絃血染吳江水躬耕歷下田庭枝轉黃鳥相

憶獨潛然

其二

漸朽淮陽骨難招嶺外魂看詩論伯仲將淚問
兒孫白馬何人至黃泉此意存綿綿此長夜杯
土任乾坤

在告值慶成大官須饌

林爓

佳辰閭闔啓車馬九衢過敢謂趨朝懶其如抱
病何寒窓愁伏枕宵路想鳴珂在告猶沾賜
皇恩雨露多

送二兄謫平樂二守

暫會仍分手離魂黯欲消如何適萬里况復傷
三苗中土風烟隔征途雪霰飄願將盤錯意持
報 聖明朝

送陸上人還江陰

陳完

採藥遙乘興談禪久息機有生俱是幻何事亦
懷歸海濶慈航渡天空錫杖飛入山秋正好松
月滿窓扉

秋夜獨坐有感

朱玉汝

涼風初入戶燈火夜堂清四壁山蛩響中宵海
月明途窮憐阮籍愁思入張衡不盡清秋感新
霜兩鬢生



